



Sjedište **SIPA-e** BiH

Svečanu prisegu položilo 11 kadeta



U sjedištu Državne agencije za istrage i zaštitu (**SIPA**) u Istočnom Sarajevu jučer je 11 kadeta **SIPA-e** položilo svečanu prisegu pred zamjenikom ministra sigurnosti BiH Mijom Krešićem, čime su zvanično započeli rad u **SIPA-i** u činu policajac.

Nakon što su prošli rigoroznu selekciju u okviru natječajne procedure za prijem kadeta **SIPA-e**, 11 polaznika pohađalo je i uspješno završilo osnovnu policijsku obuku za stjecanje čina policajac, koju je provela Agencija za školovanje i stručno usavršavanje kadrova.

Zamjenik ministra sigurnosti BiH Krešić tim je povodom istaknuo da se od novih policijskih službenika očekuje da rade profesional-

no i požrtvovano. Ukazao je i na značaj suradnje svih agencija za provedbu zakona kako bi borba protiv svih vidova kriminala bila efikasnija a građani BiH sigurniji.

Direktor **SIPA-e** Perica Stanić je u obraćanju kadetima rekao da je velika čast i odgovornost biti službenik **SIPA-e** te im poručio da se od njih očekuje da posao policijskog službenika obnašaju zakonito, profesionalno i časno te da uvijek budu u službi građana.

Najavio je i da **SIPA** planira gradnju namjenskog objekta u kojem će biti smještena Jedinica za specijanu potporu **SIPA-e**, kao i da će u narednom periodu **SIPA** primiti još jednu generaciju kadeta, čime će Agencija biti dodatno kadrovski ojačana.